

atubangan sa katawhan. Apan atubangan sa Dios, walay matarung, wala, bisan usa. Tingali aduna kay mga maayong buhat sama sa: pagsimba, pagpabawtismo, pagtuman sa kasugoan ug mga sakramento, pagtabang sa kabos, paglikay sa bisyo, ug pagbasa sa Biblia. Apan ikaw giila gihapon sa Dios nga dili matarung kay sumala sa Biblia, “Walay matarung, wala, bisan usa.”

Kon atong sabton og maayo, walay usa kanato nga makasulod o angayan nga makasulod sa Langit tungod kay ang Biblia nagasulti nga ang dili matarung dili makasulod sa gingharian sa Dios.

Apan adunay **MAAYONG BALITA** alang kanimo: Ikaw mahimo nang makasulod sa Langit. Hinuktoki kining pipila ka mga kamatuoran aron ikaw makasabot ngano nga mahimo ka na nga makasulod sa maong dapit.

ANG DIOS NAHIGUGMA KANIMO.

● **Juan 3:16**, “*Kay ang Dios nahigugma gayud sa kalibutan nga Siya mihatag sa iyang bugtong Anak, aron si bisan kinsa nga nagatoo kaniya dili malaglag, apan adunay kinabuhi walay katapusan.*”

Ikaw gihigugma pag-ayo sa Dios. Tungod sa maong gugma siya nangita og paagi nga ang imong kalag makasulod sa Langit ug dili malaglag sa Impyerno. Ang paagi sa Dios mao, nga iyang gihatag si Jesus dinhi sa kalibutan.

ANG KATUYOAN NI JESUS PAG-ANHI SA KALIBUTAN MAO ANG PAGLUWAS.

● **Lukas 19:10**, “*Kay ang Anak sa tawo mianhi sa pagpangita ug sa pagluwas niadtong nawala.*”

Ang katuyoan ni Jesus dinhi sa kalibutan mao nga kita iyang luwason gikan sa atong mga sala.

SI JESUS GILANSANG SA KRUS ARON PAGBAYAD SAMGA SALA.

● **1 Pedro 2:24**, “*Siya gayud mao ang midala sa atong mga sala diha sa iyang lawas ngadto sa kahoy (krus).*”

● **1 Juan 1:7**, “*...ug ang dugo ni Jesus Cristo nga iyang Anak nagahinlo kanato gikan sa tanang sala.*”

Ang Biblia nagasulti nga si Jesus namatay didto sa krus ug nag-ula (nagpaagas) sa iyang bililhon nga dugo kay kon walay pag-agas sa dugo walay kapasayloanan sa sala. Ang dugo lamang Niya ang makahinlo kanato.

ADUNA NAY MAKASASALA NGA NALUWAS UG NAKASULOD NA SA LANGIT.

● **Lukas 23:42-43**, “*Ug siya (ang kriminal) miingon ngadto ni Jesus, Gino, hinumdami ako sa diha nga ikaw moabot sa imong gingharian. Ug si Jesus miingon ngadto kaniya, Sa pagkatinuod, ako magaingon nganha kanimo, Karong adlaw ikaw uban kanako sa paraiso.*”

Sumala sa Biblia, sa dihang giangkong sa kriminal ang iyang pagkamakasasala ug gisalig ang kaluwasan sa iyang kalag kang Ginoong Jesus siya gisaaran ni Jesus nga makasulod sa Paraiso. Siya nakaangkon sa kapasayloan sa iyang mga sala ug kaluwasan sa iyang kalag bisan pa siya usa ka banggiitan nga kriminal. Laktod nga pagkasulti, aduna nay makasasala nga naluwas ug karon atua na sa Langit.

GUSTO KA BA USAB NGA MALUWAS UG NAKASULOD SALANGIT?

Kon gusto ka buhata kining mosunod:

UNA, Angkona ug hinulsoli sa kinasingkasing ang tanan nimong mga sala.

● **Buhat 17:30**, “*apan karon siya nagasugo sa tanang mga tawo bisan diin sa paghinulsol.*”

Ang kriminal didto sa krus miangkon nga siya makasasala ug angayan nga silotan, apan siya naghinulsol ug napasaylo.

IKADUHA, Toohi si Ginoong Jesus nga Manluluwas sa imong kalag.

● **Buhat 16:30-31**, *“Ug midala kanila sa gawas, ug miingon, Mga sir, unsa ang kinahanglan ko nga buhaton aron maluwas? Ug sila miingon, Too ni Ginoong Jesus Cristo ug ikaw maluwas ug ang imong panimalay.”*

IKATULO, Dawata ug tawga si Jesus pinaagi sa kinasingkasing nga pag-ampo nga luwason Niya ang imong kalag karon.

● **Roma 10:13**, *“Kay si bisan kinsa nga nagtawag (nagasangpit) sa ngalan sa Ginoo maluwas.”*

Ang kriminal misangpit kang Ginoong Jesus ug niadto mismong adlaw siya miuban kang Jesus sa paraiso. Iampo kini sa kinasingkasing kon gusto kang magpaluwas kaniya:

“Ginoong Jesus, pasayloa ako sa tanan nakong mga sala. Mitoo ako nga ikaw ang Manluluwas sa akong kalag. Dawaton ko ikaw karon. Sulod sa akong kasingkasing ug luwasa ako. Amen.”

Sulati ang address alang sa dugang basahon:

(When reading an English bible, use a King James Version; any other version will let you down.)

Printed by: Southland Baptist Press, Queensland, Australia
FREE TRACTS TO THE THIRD WORLD AS THE LORD PROVIDES
e: info@southlandbaptistpress.com www.southlandbaptistpress.com



Ang Maayong BALITA!

Higala, kon kita maghisgot og padulngan sa kalag human sa kamatayon ang matag-usa kanato nangandoy nga makaadto sa **Langit**. Apan ang pulong sa Dios nagasulti nga daghan ang malaglag sa **Impyerno**. Ang pangutana mao:

KINSA MAN ANG MAKASULOD SA LANGIT?

● **1 Corinto 6:9-10**, *“Wala ba kamo mahibalo nga ang mga dili matarung dili makapanunod sa gingharian sa Dios? Ayaw kamo pagpalimbong: walay mga makihilawason, ni mga tigsimba og mga diosdios, ni mga mananapaw, ni mga bayot, ni mga tigpahimulos sa ilang kaugalingon uban sa mga lalaki, ni mga kawatan, ni mga dalo, ni mga palahubog, ni mga mayubiton, ni mga mangingilkil, nga makapanunod sa gingharian sa Dios.”*

Sumala sa Biblia, ang mga dili matarung o dautan dili makasulod sa gingharian sa Dios. Sa laktod nga pagkasulti, ang mga matarung lang ang makasulod sa Langit.

KINSA MAN ANG MATARUNG?

● **Roma 3:10**, *“Ingon sa nahisulat, Walay matarung, wala, bisan usa.”*

Mahimo nga kita ilhon nga maayong tawo